

22.09.2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ

ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 032652/09

ՎԱՐՉԱԿԱՆ ԻՐԱՎԱԽԱՍՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 22.09.2021 թվականի թիվ 32652 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

«ՎԱԳԱՆ-ԷԼԼԻՏ» ՍՊԸ-ի տնօրեն Վահան Խաչատրյանը (ՀՎՀՀ՝ 04237802, Արարատի մարզ, համայնք Արարատ, Գրիբոյեդովի փող. 4) համաձայն ՀՀ Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածի՝ սահմանված ժամկետում հարկային մարմին չի ներկայացրել 24.06.2021թ.-ին և 25.06.2021թ.-ին կատարված ներմուծման վերաբերյալ ներմուծման հարկային հայտարարագրերը և ներմուծման հայտարարությունները, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցառումներ: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզ է դարձել, որ Վահան Խաչատրյանի կողմից 24.06.2021թ. և 25.06.2021թ. կատարված ներմուծումների վերաբերյալ ներմուծման հարկային հայտարարագրերը և ներմուծման հայտարարությունները ներկայացվել են մեկ աշխատանքային օր ուշացումով՝ 21.07.2021թ.:

Ելնելով վերոգրյալից և նկատի ունենալով, որ Վահան Խաչատրյանի կողմից ներմուծման հարկային հայտարարագրերը և ներմուծման հայտարարությունները ներկայացվել են մեկ աշխատանքային օր ուշացումով՝ 21.07.2021թ. և իրավախախտումը ունի նվազ նշանակություն, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Վահան Խաչատրյանին ազատել վարչական պատասխանատվությունից և հայտարարել բանավոր դիտողություն:

2. Վահան Խաչատրյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

Շանթություն Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար հրավազող մարմնի (պաշտոնատար անձի) կողմից, այն անձի ընկնելով, որի նկատմամբ ընդունված է որոշում (հոդված 41)